

Tsis muaj ib lo lus yooj yim los teb nqe lus nug ntawd, tiam sis tsoom fwv thiab lub xeev ib txhia kev cai yeej tiv thaiv koj tus me nyuam cov cai lawm. Pab neeg tuav tswv yim yuav tsum muaj lub rooj sib tham Nthuav Kev Txiav Txim thiab tham txog lub tswv yim IEP txhua lub sij hawm uas muaj txoj kev rho tawm hauv tsev kawm ntawv mus ntev tshaj tsib hnuv *sib law liag* los yog 11 hnuv los yog tshaj hnuv *tag nrho* hauv cov hnuv kawm ntawv rau ib lub xyoo. Nco ntsoov, niam txiv hais tau kom muaj rooj sib tham txog kev qhuab qhia los yog lwm cov teeb meem txhua lub sij hawm.

Nyob rau hauv lub rooj sib tham Nthuav Kev Txiav Txim, pab neeg yuav txiav txim seb tus me nyuam tus yam ntxwv coj puas yog tim nws txoj kev tsis taus. Kom txiav txim tau, pab neeg tuav tswv yim yuav nug peb nqe lus nug:

- 1) Cov neeg kawm ntawv cov tswv yim IEP thiab chaw kawm ntawv puas tsim nyog, xws li cov tswv yim siv los cuam tshuam rau txoj kev swm chaw thiab kev hloov, cov kev kawm thiab tus yam ntxwv puas haum rau tus neeg kawm ntawv lub tswv yim IEP thiab qhov chaw kawm ntawv?
- 2) Tus neeg kawm ntawv txoj kev tsis taus puas ua rau nws tsis to taub txog yam nws ua thiab nws tus yam ntxwv tsim teeb meem dab tsi
- 3) Tus neeg kawm ntawv txoj kev tsis taus puas ua rau nws tswj tsis tau nws tus yam ntxwv?

Thaum teb cov nqe lus nug no, pab neeg tuav tswv yim yuav tsum xyuas qhov chaw kawm ntawv thiab xav txog txhua yam xws li cov kev soj ntsuam, niam txiv thiab neeg ua hauj lwm cov ncauj lus thiab cov kev pom muaj. Yog txiav txim tias tus neeg kawm ntawv lub tswv yim IEP los yog qhov chaw kawm ntawv tsis haum los yog txoj kev tsis taus ua rau tus neeg kawm ntawv tsis to taub los yog tsis muaj peev xwm tswj tau nws tus yam ntxwv, ces pab neeg tuav tswv yim yuav tau kho tus neeg kawm ntawv lub tswv yim IEP kom haum.

Thaum lub rooj sib tham txog lub tswv yim IEP, yuav tsum xyuas thiab hloov tus me nyuam lub tswv yim kom pab tau tus neeg kawm ntawv tus yam ntxwv uas cuam tshuam rau nws txoj kev kawm ntawv los yog cuam tshuam rau lwm cov neeg txoj kev kawm ntawv. Lub tswv yim IEP yuav tsum muaj cov kev cuam tshuam tus yam ntxwv thiab muaj cov kev kawm txuj ci nrog rau cov kev hloov ntawm qhov chaw kawm ntawv los yog hom kev kawm ntawv.

Pab neeg tuav tswv yim yuav tsum tau xyuas seb tus neeg kawm ntawv puas muaj peev xwm ua tau raws li cov kev cai qhuab qhia. Yog lawv ua tsis tau, yuav tsum tau hloov thiab teev qhia li ntawd rau hauv lub tswv yim IEP. Tej zaum yuav tsim nyog soj ntsuam mus ntxiv kom paub tseeb cov teeb meem. Nws yog ib lub tswv yim zoo uas yuav tau muab txoj kev Soj Ntsuam Kev Coj Yam Ntxwv (Functional Behavior Assessment) rau tus neeg kawm ntawv thiab tsim nyog soj ntsuam yog tias raug rho tawm tsev kawm ntawv mus txog 11 hnuv los yog ntau hnuv tshaj tag nrho hauv lub xyoo kawm ntawv.

Xav tau cov ncauj lus ntxiv los yog tau cov kev tawm tsam txhawb, hu rau Arc Hauv Ob Lub Nroog Ntxaib ntawm 952-920-0855 los yog txuas mus xyuas www.arcgreatertwincities.org.

Daim duab kos nram no qhia tej yam yuav tau ua yog koj tus me nyuam raug rho tawm tsev kawm ntawv lawm.

	IEP Pab Neeg Tuav Tswv Yim Yuav Tsum Muaj Rooj Sib Tham	Yuav Tsum Muaj Rooj Sib Tham Nthuav Kev Txiav Txim	Yuav Tsum Muaj Kev Soj Ntsuam Kev Coj Yam Ntxwv
Tshem tawm neeg kawm ntawv txog 1 hnuv los yog tsawg dua (tab tsis tsis yog raug rho tawm)	Tsis tag muaj	Tsis tag muaj	Tsis tag muaj
Rho tawm neeg kawm ntawv tsawg dua 5 hnuv sib law liag	Tsis tag muaj	Tsis tag muaj	Tsis tag muaj
Rho tawm neeg kawm ntawv txog 5 hnuv mus rau 10 hnuv sib law liag	Yuav tsum muaj	Yuav tsum muaj	Tsis tag muaj
Rho tawm neeg kawm ntawv txog 10 hnuv los yog tsawg hnuv dua tag nrho hauv lub xyoo kawm ntawv	Tsis tag muaj	Tsis tag muaj	Tsis tag muaj
Rho tawm neeg kawm ntawv txog 11 hnuv los yog ntau hnuv tshaj tag nrho hauv lub xyoo lawm ntawv	Yuav tsum muaj	Yuav tsum muaj	Yuav tsum muaj
Muab neeg kawm ntawv rho tawm kev kawm nyob twj ywm rau hauv tsev kawm ntawv	Tsis tag muaj	Tsis tag muaj	Tsis tag muaj
Niam txiv yuav tau hais kom muaj lub rooj sib tham nthuav qhia cov kev txiav txim tom qab muab rho tawm ua kev qhuab qhia neeg kawm ntawv	Yuav tsum muaj	Yuav tsum muaj	Tsis tag muaj

Xav tau cov ncauj lus ntxiv los yog tau cov kev tawm tsam txhawb, hu rau Arc Hauv Ob Lub Nroog Ntxaib ntawm 952-920-0855 los yog txuas mus xyuas www.arcgreatertwincities.org.